

又

便風送我到嘉山枕石眠雲自在閑耳內不聞塵市鬧心中乘興憶西關

又

三九嚴凝雪滿山東風送我過庸關人情卻盡天垂祐莫是前程有分閑

秋陽觀作

聞說秋陽景物幽神仙親到此巖頭長春詩句真堪畫處處流傳早晚休

又

道藏輯要

葆光集

十
四集十

我今信步亦閑遊詩賦長吟興未休遙想天長名重客幾人再得到巖頭

又

名山曾度無窮數不似秋陽一景幽去歲真仙曾此過今冬閑客也來遊

春日

秋陽地僻遠皇州未覺東君造化幽莫訝春光來覺晚和風咫尺到巖頭

又

一身無繫任天涯蓬轉萍浮度歲華不問故鄉安且樂因緣靜

處便爲家

龍陽觀清明日述

物上施爲不動情六根安泰自和平三田氣滿千魔盡一點光
通萬法明

又

物外閑吟格調清爽人胸臆豁達情慧風飄蕩迷雲散放出從
來皓月明

山後暮春雪

春盡寒雲忽作雷北山玉屑已成堆妖桃艷杏何曾見只有梨
花幾樹開

道藏輯要

葆光集

士

胃集上

西關外與大使華宗選庵地

數騎翩翩關外來洞天遊戲散心懷不求親戚人情厚唯願相
知道眼開

又

關外閑居景甚幽山深河遠水長流不須洗耳心常靜誰望聲
名繼許由

龍陽觀新成後園可五畝有老松一株周迴種瓜日耘其
苗因憩於老松之下呈同道

隨師福薄未同塵供養難消便退身自笑不能成大器龍陽甘
作種瓜人